



**Republika e Kosovës**  
**Republika Kosova-Republic of Kosovo**  
*Qeveria -Vlada-Government*

*Ministria e Kulturës, Rinisë dhe Sportit/Ministarstvo Kulture, Omladine i Sporta/Ministry of Culture, Youth and Sport*

---

## **THIRRJE E HAPUR**

### **për përzgjedhjen e përfaqësuesit të të rinjve në Bordin Drejtues të Zyrës Rajonale për Bashkëpunim Rinor**

Ministria e Kulturës, Rinisë dhe Sportit ka kënaqësinë të shpallë thirrje të hapur për përzgjedhjen e Përfaqësuesit të të Rinjve në Bordin Drejtues të Zyrës Rajonale për Bashkëpunim Rinor.

Përfaqësuesi i shoqërisë civile në Bordin Drejtues të Zyrës Rajonale për Bashkëpunim Rinor do të nominohet dhe zgjedhet nga vet organizatat e shoqërisë civile, ndërsa i gjithë procesi do të organizohet nga Platforma CiviKos në bashkëpunim me Ministrinë e Kulturës, Rinisë dhe Sportit (MKRS).

#### **Informacion**

Në kuadër të Procesit të Berlinit, gjatë Samitit të Ballkanit Perëndimor 2016 në Paris, korrik 2016, është nënshkruar Marrëveshja mbi themelimin e Zyrës Rajonale për Bashkëpunim Rinor nga gjashtë vende (Shqipëria, Bosnja dhe Hercegovina, Kosova, Maqedonia, Mali i Zi dhe Serbia). Vizioni i ZRBR-së është mbështetja e regjioneve të ndryshme, në të cilat të rinjtë, si grupi më me interes për të investuar në të ardhmen, janë të vetëdijshëm për të kaluarën dhe luajnë një rol aktiv në ndërtimin e një të ardhme më të begatë për shoqëritë e tyre.

Autoriteti më i lartë për vendimmarrje i ZRBR është Bordi Drejtues, i përbërë nga dy përfaqësues nga secili vend: një përfaqësues nga qeveria dhe një përfaqësues i të rinjve. Zgjedhja e përfaqësuesit të të rinjve do të kryhet përmes kësaj thirrje të hapur.

#### **Misioni**

ZRBR do të jetë një institucion i pavarur në mënyrë që:

- të mbështesë shkëmbimin rajonal të të rinjve dhe shkëmbimin e ideve të tyre, si bazë për perspektivat e bashkëpunimit në të ardhmen në rajonin tonë, duke u bazuar në vlerat e bashkëjetesës, tolerancës dhe respektimit të të drejtave të njeriut dhe diversitetit, si dhe përkushtimin për përfshirje dhe siguri,

- të rrisim bashkëpunimin rajonal ndërmjet institucioneve të dedikuara rinore dhe të rinjve, për të siguruar zbatimin e programeve të përbashkëta për të rinjtë me fokus në parimet e qeverisjes demokratike, zhvillimin e qëndrueshëm ekonomik, arsimor dhe risive,
- të koordinojmë bashkëpunimin e të rinjve në Ballkanin Perëndimor.

## **Përgjegjësitë e përfaqësuesit të të rinjve në ZRBR**

Përfaqësuesi i të rinjve në ZRBR do të përfaqësoj të rinjtë dhe organizatat rinore të Kosovës dhe të ZRBR-së. Ai/Ajo do të jetë anëtar/e e Bordit Drejtues të ZRBR-së për të punuar me përfaqësuesin tjetër të qeverisë së Kosovës. Përfaqësuesi i të rinjve do të punojë së bashku me përfaqësuesit tjerë të qeverisë dhe të rinisë në Bordin Drejtues të ZRBR-së. Ai/Ajo do të ketë një mandat prej 3 vjetësh, pa mundësi vazhdimi.

## **Nominimi**

Për të përzgjedhur përfaqësuesin e shoqërisë civile në Bordin Drejtues të Zyrës Rajonale për Bashkëpunim Rinor ftohen OShCtë aktive në Kosovë për të nominuar përfaqësuesit e tyre. Ftesa nuk është e kufizuar vetëm te organizatat anëtare të Platformës CiviKos.

Për të nominuar një kandidat/e, OSHCja duhet të dorëzojë dokumentet e mëposhtme:

1. Një biografi të kandidatit/es të nominuar (CV me max. 2 faqe)
2. Letër motivimi (max. 1 faqe) si dëshmi për përvojën e tyre si aktivist rinor, interesin e madh të tyre mbi çështjet e rinisë dhe se si ajo është e rëndësishme për Zyrën Rajonale për Bashkëpunim Rinor.
3. Certifikatën e regjistrimit të OJQsë ose një dokument që dëshmon aktivitetin e rrjetit jo-formal.

Dokumentet e kompletuara duhet të dorëzohen me email në [info@civikos.net](mailto:info@civikos.net) ose me postë në adresën *Platforma CiviKos, Rr. Bedri Pejani 7/a, 10000 Prishtinë*, jo më vonë se **20.10. 2016**.

## **Kriteret për përfaqësuesin e të rinjve**

Përfaqësuesi i të rinjve duhet të përmbush kriteret e mëposhtme:

- Ai/ajo nuk duhet të jetë me i/e ri/re se 18 vjeç, dhe jo më i/e vjetër se 30 vjeç në fillim të mandatit të tij/saj,
- Të ketë shtetësi Kosovare
- Njohja e gjuhës angleze, në të folur dhe në të shkruar
- Aftësi të shkëlqyeshme të komunikimit me gojë dhe me shkrim
- Aftësi për t'i trajtuar në mënyrë efektive çështjet e rinisë dhe në mjedise të ndryshme
- Aftësi për të punuar në ekip dhe nën presion
- Përvojë në të mësuarit ndërkulturor dhe/ose ndëretnik dhe/ose shkëmbim rajonal të të rinjve
- Një minimum prej 3 vjet përvojë në punë me rininë dhe/ose politika rinore
- Të posedoj aftësi për zgjidhjen e problemeve

Pas përfundimit të nominimit, paneli i përbërë nga një përfaqësues i Sekretariatit të Platformës CiviKos, një anëtar i Bordit të CiviKos, një përfaqësues i Ministrisë për Kulturë, Rini dhe Sport (MKRS) dhe një përfaqësues nga Këshilli Qëndror i Veprimit Rinor do të verifikojë nëse kandidatët e nominuar i plotësojnë kriteret e kërkuara. Të gjithë kandidatët që konstatohet që i plotësojnë kriteret e kërkuara do të përfshihen në listën përfundimtare për votim.

Menjëherë pas përpilimit të listës përfundimtare për votim, Platforma CiviKos do të njoftojë publikisht për hapjen e procesit të votimit dhe do të publikojë në faqen e vet të internetit fletëvotimin zyrtar. Të gjitha OShC-të e regjistruara mund të votojnë për kandidatët e tyre të preferuar brenda një afati prej 5 ditësh nga hapja e procesit të votimit. Secila organizatë mund të votojë për 1 kandidat nga lista e kandidatëve të përfshirë në fletëvotim.

Votuesit mund të hedhin votën e tyre me e-mail, postë të rregullt ose personalisht në zyrën e CiviKos. Në rastin e votimit me e-mail ose me postë të rregullt, organizata që voton duhet të dërgojë fletëvotimin e plotësuar dhe kopjen e certifikatës së regjistrimit të OJQ-së. Në rastin e votimit në zyrën e CiviKos, organizatat duhet të dorëzojnë kopjen e certifikatës së regjistrimit të OJQ-së dhe të hedhin fletëvotimin e tyre në kutinë e votimit në zyrën e CiviKos. Votimi anonim mund të bëhet vetëm nëpërmjet votimit në zyrën e CiviKos.

Procesi i votimit do të organizohet dhe menaxhohet nga një komision i përbërë nga personeli i Sekretariatit të Platformës CiviKos, që caktohet nga Drejtori Ekzekutiv i CiviKos. Pas përfundimit të afatit për votim, komisioni i Sekretariatit të Platformës CiviKos do të numërojë fletëvotimet për të përcaktuar se cili(a) kandidat(e) ka marrë numrin më të madh të votave. 1 kandidat që merr më së shumti vota zgjedhet si përfaqësues i OShC-ve në Bordin Drejtues. Nëse dy kandidatë marrin numrin e barabartë të votave, vendi si përfaqësues i OShC-ve në Bordin Drejtues do të përcaktohet me short në mes tyre.

Për të mbikëqyrur procesin e numërimit të votave, Platforma CiviKos do të ftojë në cilësinë e vëzhguesëve të gjitha OShC-të që kanë bërë nominime, rrjetet aktive të shoqërisë civile, përfaqësuesit e Departamentit për Regjistrim të OJQ-ve dhe përfaqësuesit e MKRS-së.

Për të reflektuar diversitetin shoqëror dhe të shoqërisë civile në Kosovë, inkurajohet nominimi i grave, anëtarëve të komuniteteve jo-shumicë dhe grupeve të nënpërfaqësuar.

Për çfarëdo pyetje rreth këtij procesi të përzgjedhjes, kontaktoni Platformën CiviKos nëpërmjet e-mailit [info@civikos.net](mailto:info@civikos.net) ose numrit të telefonit 038 224 904.

Për më shumë informacion rreth Zyrës Rajonale për Bashkëpunim Rinor ju lutemi vizitoni [www.rycowesternbalkans.org](http://www.rycowesternbalkans.org)